

COMUNE DE PÀDRIA

Provìntzia de Tatàri

Avisu pùblicu pro s'adotzione de mesuras urgentes de solidariedade alimentare

SI INFORMAT SA TZITADINÀNTZIA

chi, cun su **Decreto Lege n. 154 de su 23 de santandria de su 2020, g.n. “Ristori-ter”**, in s'art. 2, est istada assegnada a su Comune de Pàdria sa summa de èuros 5.414,39 de destinare a mesuras urgentes de solidariedade alimentare e impreare, ebbia, pro s'achisizione de “bonos ispesa de impreare pro achistu de gèneres alimentares” o a manera dereta “gèneres alimentares o produtos de prima netzessidade”.

Sa cunsigna de sos bonos ispesa o de sos produtos at a avènnere a favore de sos nùcleos familiares, residentes in su Comune de Pàdria, prus espostos a sos efetos econòmicos ligados a s'emergèntzia e de cussos in istadu de bisòngiu, pro sas netzessiddes prus urgentes e essentziales.

Custa summa devet èssere impreada ebbia e a manera esclusiva pro satisfàghere esigèntzias de solidariedade alimentare e ispesa in sos esertzìtzios cummertziales presentes in su territòriu comunale chi aderint a s'iniziativa.

Chie declarat su farsu, in prus de èssere a manera immediata esclùdidu dae sos benefitzios, at a èssere denunziadu in sas sedes cumpetentes.

S'Istàntzia at a dèvere èssere presentada ebbia cun su modellu allegadu chi si podet iscarrigare dae su situ istituzionale de s'ente: www.comune.padria.ss.it.

S'istàntzia, cumpilada e firmada comente si tocat, at a dèvere èssere imbiada cun preferèntzia bia mail a s'indiritzu sighbente: **finanziario@comune.padria.ss.it**, acumpangiada dae s'iscansione de unu documentu de identidade de chie la presentat e de sos àteeros documentos ùtiles a sa gestione de sa dimanda.

Pro chie no est in gradu de la imbiare bia e-mail, s'istàntzia podet èssere cunsignada a manu in su protocollu comunale.

Ogni famiglia at a pòdere presentare una rechesta ebbia. Sas istàntzias privas de sos elementos essentziales e de sa firma ant a èssere cunsideradas comente chi non si potzant retzire.

Pro nùcleu familiare si intendet cussu resurtante in s'Anagrafe comunale a sa data de su 30 de santandria de su 2020.

Si dimandat a sa tzitadinàntzia, cando est possibile, de no andare a sa sede de su Comune, pro evitare ispostamentos inùtiles, e de iscarrigare s'ischema apòsitu di dimanda pro s'erogatzione de su contribuutu finalizadu a s'achisizione de gèneres de prima netzessidade, a manera dereta dae su situ istituzionale de su Comune www.comune.padria.ss.it.

S'assegnatzione at a avènnere in su rispetu de sos critèrios de màssima sighbentes:

- s'ufitziu servìtzios sotziales, a pustis de istàntzia apòsita e istrutòria lestra, at a

rilasciare, a ogni famiglia chi nde tenet tìtulu, unu **bonu ispesa mensile, bàlidu finas a su 28/02/2021**, o finas a cando sas summas trasferidas ant a èssere disponìbiles, in su rispetu de sos critèrios sighentes:

- €150,00 pro famìlias cun 1 componente;
 - €225,00 pro famìlias cun 2 componentes;
 - €300,00 pro famìlias cun 3 componenti;
 - €350,00 pro famìlias cun 4 componenti;
 - €400,00 pro famìlias cun 5 o prus componenti;
- sas familias ant a pòdere ispèndere sos bonos alimentares in sos esertzìtzios cummertziales chi ant a aderire a sa rechesta de sos servìtzios sotziales comunales, **pro s'achistu produtos alimentares e de benes de prima netzessidade** (bòmbolas impreu coghina);
- in sa gestione de sas resursas devet èssere dada prioridade a sos nùcleos familiares, residentes in su Comune de Pàdria, no assegnatàrios de sustennu pùblicu (Rdtz, Rei, Naspi, indennidade de mobilitade, càscia integratzione balàngios, àteras formas de sustennu prevididas a livellu locale o regionale);
- cun cadèntzia ogni bìndighi dies o ogni mese, sos esertzìtzios cummertziales aderentes a s'initiativa ant a imbiare a su Comune **rendicontu apòsitu cun allegados sos bonos ispesa in originale e sos iscontrinos fiscales emìtidos**, mègius si "chi faeddant" o elencu particulare de sos produtos bèndidos.

Su bandu presente at a èssere bàlidu finas a s'acabu de sas summas disponìbiles.

In casu de netzessidade, Sìndigu e Assessoros sunt disponìbiles in sos cuntatos telefònicos giai frunidos, comente ativas sunt totu sas linias telefònicas chi pertocant s'emergèntzia Coronavirus comunicadas in avisos pretzedentes.

Informatziones ant a pòdere èssere rechestas in s'Ufitziu de sos Servìtzios Sotziales in sa pessone de sa Dot.ra Catte e de sa Dot.ra Arca, imprende sos mèdios sighentes:

- telèfonu a su n. 079807018;
- e-mail: finanziario@comune.padria.ss.it;
- pec: protocollo@pec.comune.padria.ss.it.

Padria, 01 de nadale de su 2020

Su Responsàbile de sos Servìtzios Sotziales
Dot.ra Mariangela Arca

